

275195

序

我汪氏受姓自春秋魯成公  
黑肱少子食采於汪後世遂  
以為姓三十三世漢龍驤將  
軍文和公渡江而南是為江  
南始祖厥後四十四世華公  
以保障六州功唐封國公



子孫遍海內迨六十一世大  
四府君接公由婺源廻嶺遷  
休寧西門汪氏自此肇傳次  
至二十世為

南昌揮使松峯公爰春秋而漢  
而唐而宋至明松峯公歷世  
八十支分派別僑居遠地者

不可計而我西門汪氏族譜  
重修於

國朝順治壬辰距今幾九十年一  
時難於修輯而又深懼無以  
收族也正於康熙丙戌丁亥  
間斷自我松峯公始以公生  
四子序為四房列為支譜蓋

三十餘年矣正惟記有之曰  
禮不忘其本成周盛時小史  
之職奠繫世辨昭穆辨則有  
序有序則和和則親踈不至  
相離其以親睦教天下也又  
聯之以姓立為宗法使之合  
族而於內外有別長幼親踈

有序冠昏則告喪葬則赴伏  
臘脯蜡祭饗飲食相周旋王  
道何其加隆也自宗法壞而  
後之儒者欲講求推行而不  
可得於是世譜以興譜者普  
也所以維宗法之窮篤親親  
之誼而知所本也凡正之為

支譜祇就吾宗松峯公一支  
分派其他不多及而當修之  
要視族譜尤有急者則又搜  
羅采輯以成此卷雖不敢自  
比於蘓氏然詳而不蕪簡而  
不遺或者可垂諸後世也從  
孫峻堂見之欣然欲付剞劂


乃更加細攷歸於盡慎焉守  
是譜者夫亦念自仁率親推  
而上之庶幾追古先王敦本  
睦族之道歟是為序

普

皇清乾隆三年歲在戊午孟夏月  
六世孫立正百拜敬序



石印以日方及抄録公言



# 序

國有史以紀統家看譜以續  
宗家譜與國史事相類也三  
十年為一世譜率宜三十年  
一修倍之而六十年為已遠  
久而不修則先世源遠遺忘

宗人支系散亂文獻亦失矣  
往時吾友蔡君在谷自序其  
族譜曰世益遠傳益蕃而本  
自一則親親之仁有等殺而  
無濶絕也月必一會吉凶事  
必與知雖踈者可戚也予嘗

三復其言為得厚宗之道能  
此惟土著之久聚族而居者  
能行之其或游宦為寓公或  
牽車服賈不能離其地遂長  
子孫南北東西各為占籍五  
服之內相視如塗人甚有不

知其祖宗所自出者矣吾能  
如吾父所言乎由斯以觀則  
支譜較族譜為更重我汪氏  
耕讀起家拔科第為仕宦以  
及經商遠宦者多有東邨從  
祖輯為支譜一書譜列

松峰公支系四房搜羅蒼萃亦  
既具有苦心矣棟惟吾宗自  
始遷休寧以迄於今七百餘  
季聚族而居於鄉里不可不  
為土著之久者而僑居江浙  
他處者亦不少散處則渙渙

則易睽此東邨從祖所為憐  
憐焉以修纂自任也推從祖  
作譜之意上以紀

祖宗下以合族人明親視之義  
以聯遠近之系垂諸無窮以  
是尊祖以是敬宗收族不胥

於是乎在哉讀竟遂書此以  
為序

省

乾隆三年戊午春二月八世

孫棟百拜敬序并書







凡例計十五則

一本宗舊譜槩未摹像茲特敬繪祖像列於譜前俾子孫瞻仰不忘常存如在之誠也

一祖墓倣宗譜繪圖詳註土名字號務使開卷瞭然以寓報本追遠之意

一譜系以五世為圖繩繩相承五代為前圖之末為後圖之始法極詳明其第五代小註不書於前圖之末而書於後圖之始俱倣宗譜式也

一圖位書名註書字書號書封贈書官爵書鄉賓書國學生書庠生書生歿年月日時書娶某氏繼娶某氏嫡存禮娶室女書副室某氏妾有子者亦得書側室某氏書葬某地某向敵體同穴者曰合葬卑幼從尊者曰祔葬悉照本宗譜式各有一定書法至於支譜各房服屬至親加書乳名則于前式稍變通焉

一繼嗣於本生父下書曰出繼於所後父下書曰承繼無子而未立繼者書曰無傳或有事故而存亡無攷者書曰失傳若係養子例不得書

一承繼若非親支或於本宗八序內世系相當來繼者原屬一本並非養子可

比嗣後修譜亦得書曰某房某人子來繼

一支裔有在他省外郡者或數代僑居或創守基業槩書曰寓某地以其祖墓在家諒必猶懷梓里也

一是譜圖位下書像贊表燉也間有畧書行事者要諸有微不盡致飾也至修宗祠葺祖墓必詳書重祖也所載傳贊墓誌標目槩書公倣舊譜式也

一所錄誥勅傳序諸文揮僉公以上者悉載第四卷內各支傳誌諸文俱附本文系後其宗譜舊序并仍錄入

一纂輯茲譜自潁川侯至我揮僉公名號婚爵里居生沒悉叅宗譜考訂其有舊譜舛誤者悉從改正必搜閱數譜而詳核之

一清明祀典祖制輸貲添丁原欲登名祀簿俾修譜時有所考據以防假冒之弊費既不多法亦盡善向來僑居在外者猶知寄名註簿近有生子竟不與聞殊失祖宗立法之意嗣後添丁一項雖僑居異地務宜恪遵祖制毋忘水源木本之思而後之修宗譜支譜者亦得有所稽查矣

一子孫蕃衍支丁日盛名諱竟有相同第取定多年難于復改悉照本家開載

錄梓嗣後各房命名務宜細閱是譜幸勿重取以致混淆

一宗譜自順治壬辰再修後迨康熙丙戌已有五十餘年立正久有修輯之志是年曾集族彥倡議重修乃先彙集本支譜牒纂為一冊以備載入宗譜之用後因宗譜重修不果故支譜仍存于家閱今又三十載人益蕃費益重無力者艱于資斧有力者置而不問深為可慨茲于乾隆丁巳立正爰將支譜再加詳輯欲登梨棗適與姪孫棟言及棟乃毅然輸貲付梓同支均未派費今幸告竣棟深有造于我一本也

一茲譜始于乾隆戊午四月竣于己未十月共計拾卷凡壹百七拾八頁裝作一本

一茲譜告成已梓信篆圖于后版各房領者編號蓋印以辨真偽如無圖記字號則非原刻給發同支鑒諸



紀潁川以下支派

紀渡江以後支派

唐族望勅 開元五年四月八日

奉籍歸唐表 武德四年九月甲子

唐高祖封越國公誥 武德四年九月二十二日

授越國公圭 武德四年九月二十二日下

唐太宗授左衛白渠府統軍誥 貞觀二年四月五日

授越國公信圭 貞觀二年四月七日

宋真宗追封靈惠公勅 祥符二年三月 日

宋徽宗勅賜廟額勅 政和四年三月二十六日

宋徽宗封王誥 政和七年十二月五日

宋徽宗封王誥 宣和四年六月二十八日

宋孝宗封王誥 隆興二年閏十一月二十一日

宋孝宗封王誥 乾道四年三月二十三日

宋寧宗封王誥 嘉定四年十一月 日

宋理宗封王誥 淳祐八年十二月十二日

宋理宗封王誥 淳祐十二年九月二十八日

宋理宗封王誥 寶祐三年三月二日

宋理宗封王誥 寶祐六年正月十一日

宋恭宗改賜忠烈廟碑勅 德祐元年四月十五日

宋恭宗封王誥 德祐元年四月二十三日

元順帝封王誥 至正元年閏五月 日

宋封王父母誥 慶元五年九月二十二日

宋封王父母誥 嘉泰元年六月三日 附各宗封爵

宋封王祖父母誥 淳祐元年六月十五日 附各宗封爵

宋封王曾祖父母 寶祐六年封基福侯 基善夫人  
景定五年封基福昭佑侯 基善衍佑夫人

宋孝宗封王夫人誥 乾道五年六月六日

宋寧宗封王夫人誥 慶元五年九月二十二日

宋寧宗封王夫人誥 嘉泰元年六月三日

宋理宗封王夫人誥 淳祐元年六月十五日 附王繼娶錢氏封爵

宋封王次夫人本支祖母龐氏封爵 附王諸位夫人封爵

宋封第七子本支祖諱爽公暨夫人閔氏封爵 附王諸子諸媳封爵

明初榜文 洪武四年七月

忠烈廟唐宋元誥勅碑跋 天順三年八月徽州太守福山孫遇撰

都虞侯克三浯鎮將瀆公勅命 光啓三年八月六日

宋漢公以子體仁職授封廸功郎勅諭 紹熙五年九月初九日

明貢元眉州別駕憲公傳

處士仕榮公小傳

明威將軍南昌衛指揮僉事新公榮歸序 金 達 昌江

明威將軍南昌衛指揮僉事新公行狀 何其賢

明威將軍南昌衛指揮僉事新公墓誌銘 許 國

明威將軍南昌衛指揮僉事新公墓表 王世貞 吳郡



卷之五

應元公支世系 計三頁

卷之六

應亨公支世系 計二十三頁

京兆應亨公暨金太君勅命 天啓四年三月

京兆應亨公暨金太君合傳

李維楨

司寇起英公暨兩王夫人勅命 天啓四年三月

司寇起英公崇祀湖廣應城縣名宦錄 崇禎五年九月

司寇起英公崇祀廣四思明府名宦錄 崇禎八年四月

司寇起英公傳 并書傳後 王祚遠

叅軍贈中大夫麟英公行狀 王心一

文學贈中大夫可欽公傳 金象乾

文學可鉉公元配金安人像贊 金象乾

卷之七

應利公支世系 計三頁

卷之八

應貞公支世系 計二十八頁

處士起鳳公傳

王祚遠

文學自達公傳

程文夔

明經棟公傳

有信

卷之九

叙祖墓

始祖潁川侯汪公墓碑銘 潁川城南三十八里三十五喪合葬

漢武畧將軍言公墓碑銘 扶風茂陵馬邑山九喪合葬

漢龍驤將軍文和公墓碑銘 新都郡邵石山西九里即今嚴州淳安縣二十

漢彌寇將軍軫公墓碑銘 新都郡前都督山六喪合葬

齊軍司馬叔舉公暨配許夫人墓碑記 復還珠文併書 一龍西門文篆額

登源洞墓記

玄錫 鱗溪

復王墓祭文

玄錫

雲嵐山王墓記

玄錫

唐兵馬使道安公夫人吳氏墓記

玄錫

宋迪功郎漢府君墓版文

體仁

重修曹邨墓記

立正

齊軍司馬叔舉公暨許氏夫人墓圖

唐越國府君華公墓圖

唐兵馬指揮使道安公墓圖

唐上柱國銀青光祿大夫瀆公墓圖

後漢處士程公暨吳氏安人墓圖

後周教授顏公墓圖

宋遷西門始祖接公墓圖

宋遷西門始祖接公元配吳太君墓圖

宋處士德公暨查氏安人墓圖

宋處士言公元配石氏安人墓圖

宋封迪功卽漢公墓圖

宋處士文彬公墓圖

宋處士汝極公墓圖

宋處士燁公暨程氏安人墓圖

明南昌揮使新公暨葉恭人墓圖

卷之十

纂修支譜名氏

領譜記畧

信篆圖



支譜告成祭文

維

大清乾隆四年歲次己未嘉平月癸酉朔越十有五日丁亥之  
辰綜修譜事來孫立正百拜謹以香楮之儀敢昭告于

支祖明南昌揮使松峰府君之像前曰

維我

祖宗光流厚積派衍西門族冠南國奕葉簪纓濟美弗息爰  
及我

祖更光宗祏鴻圖駿業誌載郡邑筮仕南昌績著旂石垂裕  
後昆繩繩蟄蟄孫枝繁衍家乘宜立况以宗譜久未脩輯  
本支譜牒當務為急夙夜圖維乃纂斯集首溯

列祖舊譜可則

宗德

祖功煌煌奕奕次編諸支各為一冊四派十世條分縷晰前  
摹

祖像瞻仰靡斁益以贊詞昭諸簡策後繪墓圖形執熟悉世  
遠人蕃相承勿失中載諸文表揚稱述匪私而公匪虛而  
實本支特書他支弗入告厥成功羣心悅懌立正綜脩匪  
朝伊夕棟願付梓捐金弗惜分脩校閱各輸乃力繪圖徵  
會共襄乃績上賴

祖靈鑒觀有赫茲當事竣編號頒給諏吉虔告奠降來格啟  
佑後人祚胤永錫尚

饗

休寧西門大公房揮僉公支譜目錄

卷之一

唐汪氏族譜序

芬

宋大阪家譜卷首序

有聞 大阪支

元淵源錄序

松壽 石田支

元汪氏家乘序

澤民 環珠支

明汪氏家乘序

獻 大阪支

回嶺續譜序

蔣文質

西門宗譜序

王 賓

西門宗譜序

景清 西門承奉支

西門宗譜序

思 大阪支

西門宗譜序

璨 西門將仕支

西門宗譜序

尚和 承奉房汉口支

西門修譜請序狀

顯應 西門大公支



統宗譜序

湘 大阪支

統宗譜序

嘉賓 西門承奉支

統宗西門支譜記實

時躍 西門大公支

統宗西門支譜跋

廷誥 西門承奉支

西門宗譜序

偉 斯干支

國朝

西門汪氏宗譜序

逢年 西門承奉支

西門宗譜跋

澍 承奉房汉口支

西門宗譜記實

承實 西門大公支

西門宗譜後序

可鉉 西門大公支

西門宗譜後序

文昂 西門承奉支

西門本宗譜跋

顯勳 承奉支

西門宗祠祭祀規制述言

立正 西門大公支

卷之二

原姓

松壽石田支

汪氏得姓始祖魯潁川侯像 一世祖

遷江南始祖漢龍驤將軍文和公像 三十一世祖

新安顯祖齊軍司馬叔舉公像 四十世祖

唐越國府君華公像 四十四世祖

唐行七府君爽公像 四十五世祖

唐上柱國銀青光祿大夫瀆公像 五十七世祖

宋遷休寧西門始祖接公像 六十一世祖

宋封迪功郎漢公像 六十五世祖

宋大公支祖文彬公像 六十六世祖

元處士慶公像 七十四世祖

明故逸賢彥光公像 七十五世祖

明處士副興公像 七十六世祖

明處士雄安公像 七十七世祖

明貢元眉州別駕憲公像 七十八世祖

明處士仕榮公像 七十九世祖

明南昌揮使新公像 八十世祖

明南京鴻臚寺序班應元公像 八十一世祖

明贈京兆別駕應亨公像 八十一世祖

明國子理學應利公像 八十一世祖

明優行庠生應貞公像 八十一世祖

卷之三

一世祖至八十世世系 有按

八十世祖至八十一世世系 有按

卷之四

晉淮安侯上譜表

唐越國公上譜表

唐越國公譜支派序首

休寧西門汪氏大公房揮僉公支譜卷之一

唐汪氏族譜序

竊聞龜圖啓宇爰標紀代之書鳥篆開文先著世家之錄莫不輝洪源於往詁  
煥烈祖於前經將二曜以前趨逐四時而並運尋流乃知其始摘蓋必識其根  
厥緒粲然可得詳矣軒轅受籙戰涿鹿而垂衣西伯居岐奮戎衣而克受周公  
輔子明辟伯禽剪伐戎夷畀五等之上公監百里焉曲阜分封支子食采平陽  
汪氏之繇實基乎此豎漢建安之世祖文和位宰會稽因茲攀臥遂爾淹畱或  
新都而築室或宣歙以開家遷徙無常宗支漸遠茲故續書譜牒庶易尋源爰  
自周漢迄於今代英名婚宦罔有斷遺冀萬古傳芳千齡不朽耳  
開成四年歲在己未孟冬一日渡江後十九世孫芬序

宋大畷家譜卷首序

有聞於嘉慶間令宗臣繕寫一本好事者借而不還復借先伯祖容堂公手編  
親染而襲藏之伏覩首書十八府君延之命惟厚惟瞻而諭之曰我兵馬使道  
安公繇歙來守是邦今已五六世矣中間遭黃巢五季干戈之餘家譜得以獨



存幸也吾生於有宋已四十五矣而時和年豐坐享昇平之福嘗欲編考譜錄一書以貽子孫近嬰疾恐難去體汝二弟在學未能諳力汝兄弟可重加審訂補以遺脫增入後代詳註各房分支去所庶後世有考焉二子庭唯惟謹越數月而書成但不記其歲月耳又鑪溪老人仔譜脩載歷代婚宦生死年月墳墓跋於尾云余恐後世子孫不識宗派故具於左我祖侍御史師全戶在歙布政鄉歸化里宅在王墓西山外甲側里世代傳掌祖王誥勅兼守王墓二子道安道興道興守故宅道安公大中初為兵馬使戍婺源分支衢之開化常山本郡休寧西岸及邑之巖坑石田永泰宗派遠矣有聞稽之於譜粲然昭白二尊所紀其於尊祖敬宗之心至矣謹錄於首卷而垂之不朽云

咸淳辛未九月初旬有聞謹書於睦肥堂

### 元淵源錄序

汪氏舊譜自始祖潁川至叔和凡五十二代代錄名字婚宦叙祖墓一篇叙支派一篇汪旭表一篇唐族望勅一篇共為一帙歷代相傳授本末大抵可考三十四代前經晉時汪旭所錄五十二代止為唐世志高所傳年代永積簡編斷

錯銷逸兼之遞相傳寫字讀訛闕亂誤失真亥豕魯魚孰原畫跡金根杜若莫辨由來按牒惘然至於掩卷僕夙病其故思欲釐葺而宦學東西因循未暇泰定乙丑春宗人闈家錄創為新譜輒改舊編至棄吾祖鐵佛窟屬旁支余既馳書白其謬冒遂取家藏舊譜補其遺絕究其訛雜循名徵實即事引時通為註釋其有不類不同率從刪正續以代表聚繫親族之蕃較之畫圖事尤簡白於是推明姓氏之源叙贊譜書之旨闢汪野汪芒之誕誤決平陽七夏之鉤龍最集名賢條陳支裔雖族散萬途而宗歸一本視今秦越於古為親稽牒則同明倫不遠編帙既成號為汪氏淵源錄所愧獨學孤陋貧無蓄書或茲錄有遺推考舛鑿尚冀後之人旁求精覈補附於茲

七十二代孫前四川紹慶路儒學教授松壽正心序

元汪氏家乘序

汪氏為新安著姓國史家乘紀載備矣澤民曷敢贊以骯髒附會之辭然不修譜則族屬易以踈昭穆易以紊尊祖敬宗之心何由反古而生焉唐大和中兵馬使諱道安總戎來鎮婺源是生三子長曰源居還珠里次曰瀆居大坂之鱗

溪三曰淦早卒還珠黼溪皆在婺源子姓日蕃且大散處他郡不賴譜則渙若塗人矣今年六月澤民自宣城展省來饒歛道出五嶺衣冠者宿隱士率其群從僅三十人會焉立談之頃歡然親愛嗟乎此非人心天理不容自泯者耶特以形氣之私汨而蔽之耳孰謂修譜無益哉今譜之修則族之纂先緒曰德麟者且兵馬使墓在武口雙溪上松柏摧毀塋域復疆會宗以祠焉是又一盛事也并識首簡以示將來

至正八年戊子歲十月甲子朔忠烈裔孫嘉議大夫禮部尚書澤民百拜謹書

汪氏家乘序

家乘之作所以原本始攷宗序別親疎徵行實正彝倫以厚風俗合萬殊而歸一本者也何也知有母而不知有父者禽獸是也庶人則知有父矣然而不知有祖宗也學士大夫則知尊祖矣然又有推原其所自來者乎水之有源也木之有根也不有譜牒何由攷徵此家乘所以原本始也禮曰別子為祖繼別為宗有百世不遷之宗有五世則遷之宗百世不遷者繼別之大宗也五世則遷者其小宗也宗子之法所以主宗祀統宗屬司冠婚喪祭之儀典而族姓子弟

得以遵命承訓嚴孝敬循矩度後世此法不立族屬無所統承子弟無所遵守  
冠婚喪祭無所咨命不有譜牒何由稽論此家乘所以考宗序也父子至親也  
由已而推上則高曾祖禰下則子孫曾玄旁則從祖父兄弟五服之制秩然不  
紊尊卑隆殺之分昭然可見又由是而推之至於無服者固踈也與同祖乎十  
世者則親矣同祖乎十世者固踈也視二十世者則又親矣遠而至於三十世  
者皆族人也而由親及踈較之途人則又有間焉此親踈所由以別也勤於問  
學而文辭著篤於信義而言行彰道德之所存風節之所係一言可法一行可  
表書之於冊垂示將來以鑒以戒則為善者知所勸為惡者知所懲此行實所  
由以徵也人道親也親也故尊祖尊祖故敬宗敬宗故收族明宗序而宗子  
之法以立嚴宗祀而宗祀之禮以明敦禮節而冠婚喪祭之典以行所謂正彝  
倫以厚風俗者不昉於此乎本大而枝葉益繁源遠而未流益分世代更異地  
域遐隔雖曰本源之同其相視也猶秦楚胡越之人也秦楚胡越之人邈乎其  
不相知聞矣况能歡然有恩以相愛粲然有文以相接乎然而地雖遠也世雖  
異也子孫什百千萬之衆其初皆本於一人之身也由一人而子孫什百千萬



之衆豈不能以什百千萬之子孫而返本於一人之身乎范希文曰宗族之衆於吾固有親疎自祖宗視之則無親疎也謂之自祖宗視之則無親疎所謂合萬殊而歸一本者不在於此乎若然則吾汪氏家乘蓋有不得不作者也獻也才庸識淺學問空疎兼以疾病憂患沉鬱日久同宗諸弟姪群請曰兵燹後吾汪氏譜牒遺墨罕存其存而未泯者尚編集之以示來裔於是勉稽舊章旁搜遠引晉淮安侯旭之表志唐越國公華之敘述宋國諭仔之編次韶州祀之撰集梅磡翁瑜之搜錄休寧松壽之淵源錄族中諸老之所纂輯攷索上下推原本始傳以圖系圖以世昭旣終本支由親及疎自近周遠圖具文著宗法可明行實可徵祖宗功德粲然在目返本合一不是外矣凡我同姓尚以是觀上章闡茂之夏斗建鶉火朔日己丑銀青十六世孫獻謹序

### 回嶺續譜序

洪武己巳春溫州府經歷汪先生宗哲纂修汪氏續譜既成特以見示請予序其首予閱之盡卷而得述作之大意觀其舊譜自受姓以來凡七十有五傳可謂詳且備矣今續譜則始於五十九世諱程者以其遷回嶺為本宗所祖也前

有世系錄後有傳序錄而遺文世美二集又附見焉世系錄則詳述宗族之支  
派傳序錄則只述本宗七支凡名字行第娶某氏子若干人仕不仕生死葬年  
月日以至生平行實皆一一書之若遺文則其歷世所撰詩文未入全集者并  
為一集也世美集又裒聚名公為其先世所撰序記傳贊行狀墓銘者也於此  
可見先生之不忘乎世德者矣汪氏之先本姬姓魯成公次子生而有汪字在  
手遂以名之既長仕魯為上大夫食采潁川為潁川人至三世諱誦者始以王  
父名別姓汪氏子孫因以為姓傳十二世諱猛者仕西漢為沛郡守子勝因居  
沛又二十四世諱澄者遷河內又三十一世諱文和者仕至龍驤將軍建安中  
始渡江子軫家於歙州又三十七世諱恭者遷長樂南鄉又五十七世諱漬者  
遷婺源大坂又五十九世諱程者遷回嶺先生去程又十一世矣究觀續譜之  
作一本之支可尋一源之派可別先生其有功於汪氏者也抑嘗因是譜而考  
夫姓氏之源矣左氏有曰因生賜姓胙土命氏及以字以謚以官以爵惟五者  
而已原夫得姓受氏有三十二類以名為氏者則其一也且五帝之前惟以名  
為氏所謂無懷氏葛天氏伏羲氏燧人氏至神農氏軒轅氏雖曰炎帝黃帝而

猶以名為氏唐虞夏商而天子世世稱名至成周而後諱名由此氏族之道生焉余觀汪氏之先蓋以名為氏者也自得姓受氏以來繼世繩世歷年之久傳序之遠其迓續於無窮豈易量哉遂如其請而書為續譜序  
己巳春三月二十四日前福建鄉貢進士蔣文質序

### 西門宗譜序

族之有譜猶國之有史譜何為而作也士君子知尊祖敬宗收族而作也蓋古者宗法立而昭穆詳倫理明而風俗厚世代雖遠恩禮匪虧分義不泯慶喜吊憂周貧救難及宗法廢學者罔知考其世次總麻未盡視如塗人甚至兄弟鬩墻與禽獸相去不遠往古有焉噫物本乎天人不生於空桑曷不思本乎祖而敦其族此所以貴乎族之有譜也新安之屬邑休寧汪武童允恭持族譜徵予文汪氏江左著姓譜粲然具載由始祖以來凡六十一傳至接遷茲邑西故稱西門汪聚居蕃衍迄今又十餘世歷職郡縣代不乏賢或豐貲厚產或懷才抱道簪裾相映鄉社所居可謂盛矣予叨教邑庠目擊名族每歲議以一人供辦會族姓於其家團拜禮畢長幼序坐觴豆前陳相施以誠敬相告以孝悌藹然

有隆古之風睦族之道茲乃不拒允恭請次其說以弁於編首他日賢子孫果能同有是心寧不感發以希乎前人嗣修是譜則汪氏之知本益為可嘉矣  
洪武乙丑冬至前三日四明王賓序

西門宗譜序

古先聖王立宗法所以管攝天下人心使不忘其本迨宗法禮廢士大夫家表世系以隆親匕之道其來尚矣吾汪氏始由魯成公次子汪為肇姓之祖居潁川三十一世祖龍驤將軍文和始渡江居新安族大著四十四世祖英聖王華益繁衍碩茂有十姓九汪之稱五十六世祖兵馬使道安鎮婺源子孫遂家還珠大阪大阪分于回峰六十一世祖接公自回峰遷休寧邑之西門號西門汪信乎參天之木化龍之魚非步仞之丘蹄涔之水所產至吾七十六世今在鄉各支地或遠近世或先後皆以西門為望故譜之作溯其源而祖其祖傳曰先祖有善而弗知不明知而弗以傳不仁為其後者忍墮不明不仁哉景清願老矣學疎無文獨於譜之心為心乃取曾大父養晦翁之舊編暨宗人以仁翁之新錄重加叅考行有未紀者紀之名有未登者登之不妄飾一言務以傳信不

泛書一事務以擴實延同里程君逸民為之訂正稿成謀壽諸梓竊識數字於首簡為子孫勸雖然族在於廣孝悌之心而不在于譜也在于明昭穆之次而不在于序景清序此無他蓋不泯尊祖敬宗之誠耳後之來者繩也翼也冒其所自無郭崇韜拜汾陽墓之譏莊宗后撻劉叟於宮門之弊深所願望  
成化十四年歲舍戊戌冬十一月朔承奉十一世孫景清拜手書

### 西門宗譜序

人有言曰家有譜猶國有史也予則曰國之史紀政刑以稽往明善惡以詔來耳家之譜以聯族屬以辨尊卑以尊祖宗聯族屬者仁也辨尊卑者禮也尊祖宗者孝也具是三者宗之盛也觀之萬姓咸若是則風俗美教化行而國政可成國治可宏也由是言之史之於國也譜之於家也其攸係也奚輕重哉雖家有大宗有遠人有衆譜乃有弗及焉如吾新安之汪出唐越公世德殊遠文獻徵於後先烟燹彌於遠近厥宗大矣統而譜之誰尸之者予先伯父都憲靜軒先生暨先君子給事眉軒先生皆嘗有志而未就也後予與太常兄東峰先生謀之以為譜統宗難譜本支易各譜其支而宗乃可統也嘉靖甲申之歲東峰

譜吾大阪矣越二載曰輝之曰節夫曰世權三君子者又譜休寧西門西門之  
派大阪所分而節夫本派又自西門分於汭川者分西門於汭川合汭川於西  
門而本支譜成他日又合西門於大阪者可幾也乃以風動乎他支各有賢子  
孫出凡出大阪者皆合焉又自大阪而上凡出越公者皆合焉謂統宗譜難豈  
其然乎予以使事過休寧得三子所譜觀之嘆曰三子之力勤矣哉其有合於  
吾初議乎則又告之曰作譜之益者三族屬之聯尊卑之辨祖宗之敬子則知  
之其所以保益者一支派脩述世次詳明崇韜之郭不可得而拜墓也正倫之  
杜不可得而求附也昭穆炳於日星真屬辨於涇渭子知之乎不然則彼失之  
僭而我失之誣矣彼失之妄而我失之淆矣吾恐仁非其仁禮非其禮而孝非  
其孝也子知之乎三君子曰既知之矣予曰譜本支者必如是而宗可統也遂  
書以為序

嘉靖五年丙戌臘月望日布政司右叅議宗人大阪思書

西門宗譜序

汪氏之先出於姬魯世遠派別至漢龍驤將軍文和渡江而南始為譜牒晉淮

安侯表奏之唐越國公又奏之唐季兵馬使都虞侯道安總戎來鎮婺源子漬以勇畧分戍三浯鎮位至銀青光祿大夫兼御史中丞國肇基大阪生子三人曰叅曰中元曰高七子程隱居回嶺程子顏七子接徒居休寧西門接子懷簡懷簡子德七子言七子漠宋迪功郎生九子長文彬隱德弗仕次文義饒州僉判三四俱殤五端禮大理評事六端智將仕郎七端信集賢學士八端仁端明修撰九體仁進士承奉郎竹山縣尹僉判之孫莘與朱子為友扣關上疏極言時事奮不顧身號稱柳塘先生其文彬之後洙七孫揆七子晦七姪悌其將仕之孫薦七子貴貢貴子彌正貢子彌恭其學士之子汝夔汝夔子書介書介子元通其修撰之子汝椿汝松汝椿子薌范七子宏七子珣其承奉之後宗周一龍驥龍一麟士遜蒙良巽元昂昌安甫孟堅希袞鑄鑰皆以文學登仕此吾西門之汪文獻之足徵也如此自將仕而下則有建寧府照與賢公仲曾祖處士以仁公縣尹而下則有應天府尹仲藻公處士以廉公相繼譜吾西門之族踰五十年矣璨淺陋無似私淑前人志業雖繼述未能而繼述之心未嘗亡也爰謀於族弟節夫族姪世權於吾西岡小隱蒐葺考訂同異列圖載名庶幾乎世

次詳明昭穆不紊俾後之為子孫者一覽可知而孝悌之心油然而興起記曰先祖有美而不知不明也知而不傳不仁也韓子有言莫為之前雖美弗彰莫為之後雖盛弗傳為吾西門之子孫可不知所以傳其盛而自蹈於不明不仁也哉况吾徽有十姓九汪之稱其或舍此取彼冒子騫遙七之胄生正倫通譜之隙不亦妄哉嗚呼崇翰之失千載非笑可以戒矣觀吾譜者其亦有所感也夫其亦可以鑒也夫

嘉靖丁亥端陽日接公十八世孫璨謹序

西門宗譜序

汪氏居江南號稱繁衍唐越國公華當隋煬天下鼎沸保有歛宣杭睦婺饒六州有功於民七到於今稱之而新安之汪名於天下大中初兵馬使都虞侯道安鎮婺源家於還珠里仲子瀆以婺源三浯鎮將拒黃巢保全鄉井官至銀青光祿大夫殿中侍御史卒塋大田寺與兄源同墓土人世七祀之御史居臺端故稱曰端公云其子中元居大阪高生程居回嶺傳至接宋初始遷休寧西門五傳至迪功郎漢生九子長文彬隱德弗耀次文義饒州僉判次某七俱殤次



端禮大理評事次端智將仕郎次端信集賢學士次端仁端明修撰次體仁竹  
山縣尹僉判之孫莘問道朱子之門嘗三扣天閭直言時政大為西山慈湖二  
公所稱許號柳塘先生縣尹曾孫一龍克承家學為名進士宋亡不仕號定齋  
先生他如曉窓兼山稱隱宗禮敬夫端夫騰遠彌遠子安子盤仲罕仲愚積翁  
性翁伯愷季倫季佩季陶數君子皆以詩書起家德行又足垂著於無窮國朝  
京兆尹仲藻公處士以仁翁暨先大父以廉府君相繼為譜水木本源歷七可  
考迨今五十年矣子姓益昌枝分派別皆以西門為望歲時宗會序拜有祠族  
之耆俊曰克遠慶隆叔璋用誠輝之世權每論及此未嘗不拳匕焉且言始祖  
接公墓在余頭村金字園松栢摧毀吾輩當協圖甃護以示來裔尚和無似先  
是大阪宗老方伯止齋公進都憲綱軒公奎靜軒公舜民亦嘗因尚書文節公  
澤民宮直蓉峰公仲魯舊編修葺惟同出兵曹者詳之出端公者則又詳之未  
及就緒而贈給事中眉軒先生匕民以詩東尚和曰百年譜牒待編摩無何眉  
軒物故至今懷歎不已茲吾接公一派所當續修者願今尤不可緩於是謀於  
輝之世權訪求舊譜相與聚於輝之西岡小隱叅互攷訂閱五月告成衆乃具

牲醴造始祖墓告焉墓則溝以限之石以表之購地居守者以守之課其租入以供之享之歲時子姓瞻掃復為知本會以燕之合之世權仍為圖以附譜後庶幾有所考焉詩曰夙興夜寐無忝爾所生不但以之告今之列名於是譜者倡明宗法表率族屬踵而承之引而勿替則又不能不望於後之人  
嘉靖六年丁亥春三月朔汉口嗣孫尚和謹書

西門修譜請序狀

吾西門汪氏自越國公至十三世唐大中七兵馬使諱道安者總戎鎮婺源生三子長曰源居還珠里次曰瀆居大阪三曰淦早卒瀆為銀青光祿大夫檢校太子賓客兼御史大夫上柱國世稱端公生三子長曰叅無傳仲曰中元居故土季曰高高生程居回嶺程生顏顏生接接自宋初遷休寧西門五世傳至迪功即漢生九子長曰文彬隱居讀書敦孝義總家政二文義為饒州僉判三四俱殤五端禮為大理評事六端智為將仕郎七端信為集賢學士八端仁為端明修撰九體仁登紹熙余復榜進士官至承奉郎六人者皆得以成名兄文彬實教之故雖貴顯僉以父事文彬兄弟之間殆怡也子孫繩也詩禮不墜

吾西門宗族之盛蓋始於此繼茲以往代不乏賢若文彬公支下四世洙將仕  
卽六世揆將仕卽七世燦提領晦學錄八世悌學錄十世道長大使十三世憲  
州判二僉判支下三世有柳塘先生學行俱優屢舉不起與朱晦庵真西山楊  
慈湖三先生為師友迭有文翰尚在可徵至今儒學鄉賢祠祀之所著有方壺  
集已行於世至嘉靖丙戌從孫璨尚和顯應以久失傳謀為翻刻且求厥墓立  
石表之傳至三世宜之嗣以將仕房社紹之五評事支下三世汝守遷池陽今  
吾郡邑無傳六將仕支下三世薦漕舉進士嵩掌書堯咨直學四世貴教授貢  
縣丞五世應福奏差彌正教授彌恭學正六世賢提領安翰林宣使與賢照磨  
八世拱縣尉九世天授縣丞七學士支下二世汝夔迪功郎三世書介掌書四  
世元通解元六世聖直學八修撰支下二世汝昌解元汝椿郡駙三世薌教授  
范郡學賓四世宏教授珣直學九承奉支下三世茹迪功郎宗周漕舉進士四  
世一龍登陳文龍榜進士今紫陽書院從祀文公驥龍省元一麟教諭五世士  
遜山長蒙縣尹艮州判巽元府判昂學正昌學正六世安甫直學伯墳大使韶  
提領葆縣尹孟堅巡檢希知州銑學正七世杞學正袞學錄鐔主簿鑄教授鑰

縣尹芹府尹齊成教授麗奴大醫院判衢奴檢校九世林大醫宗祥京府照磨十一世泰康縣丞按列圖考自漢公七子支下至今日子孝者三十餘人婦節者五十餘人以詩文鳴者百餘人有集行世者廿餘人義官壽官亦數百人糧坊里長亦百餘戶見存子孫不下四萬指漏落未錄者不可計遷外郡者三十一處吾邑共三十三都各有葬所顯應嘗以墓殊人異拜掃參差偕同志者十七人力倡族彥捐貲作常住立清明墓祭會使世祀之宗叔得之火叅公已為記其事第舊譜未修歲久齒蕃昭穆不無失序乃者同族叔輝之節夫館穀於柳塘新業之西岡小隱集以仁翁以廉公二譜及考索鱸溪家乘石田淵源錄羅墩統宗譜諸書承前接後編舊續新以漢公七子為七派雖晦顯守遷生婚卒葬亦靡所不書重本支也其他派者則但繫以始遷者之名而已餘則畧紀而弗詳焉列圖用歐蘓譜法為內外紀分上中下篇作一部十一卷共凡貳伯三十七板稿更字抹夙夜弗遑越兩寒暑於茲矣譜既成鋟梓印完編號定數共凡一百十部告縣請鈐頒散七派板即火之庶子孫之不肖者不得甲售他人致魚目混珍也是譜之修謬訂訛叅枝分派別之功顯應固與族叔輝

之節夫均而書校列系圖墓紀形則顯應專力也但所叙歷世先公臨文觸諱之罪則有不可得而辭者耳修譜之大畧如此書之以獻大方家敢求枉筆雄文序諸首簡上以榮我祖若宗下以昭我子若孫幸甚幸甚顯應字世權鶴山號也為接公十九葉孫云顯應百拜謹狀

### 統宗譜序

譜也者以明宗也夫人必有本有本必有枝崇其本而遺其枝則生意隔絕而根幹削弱故周禮以九兩繫邦國其五宗以族得民修仁而輯睦厚本之道也然千枝萬葉不有非其本之所出而指以為是者乎此相淆相偽而本亂矣是故君子病之收族也而嚴於去偽廣愛也而謹於禁冒譜於是乎得矣我汪氏自得姓以來其譜之見於唐越國公華撰者紀潁川侯以下支派則北地宜陽清河扶風淮陰廣平凡三十九戶東魯平陽之分裔也紀文和公渡江以後則會稽廬江歙睦豫章烏郎琶村白楊長樂凡二十五餘處自北而南之後分遷之派也是越國所撰即統宗之意歟越國而後則八子分遷雲仍何啻萬億徽為最衍宣饒杭睦之間占土地長子孫者何限也源流世次多歷七可考非若

今之北地宜陽杳不相聞失是而無以聯屬之則雖支親數服之外便為路人亦北地之漸耳烏知一體之義見同根之盛哉此綱宗碩族與孤寒單弱以是別也元國諭松壽有淵源錄推矣而未能盡推也 明初左春坊蓉峰公獻博羅而搜採之并其遺文有可錄者亦無不載為統宗譜似備矣然祁之七溪旌之新建未見收錄則遺而莫之收者亦不無之此皆勢不免耳不足為二公病也公後二百餘中間盛衰遷徙當又倍之尚書東峰公嘗加搜集以應 召而止公之子長卿勒予成之因不獲辭而賴贊所不及則族祖鴻儒叔隆錡休西門庠生叔嘉賓也諮訪遷徙而攝合諸族則叔士賢氏也綜理其務而局事舉弟同文也輔之弟係也凡經八年而後成書其書越國以前遵舊也但補其文之缺與夫後來有作所當入者耳越國以後則以王八子為序而八子之下亦皆以次親疎長幼之倫一開卷而可知遺文等類各附本圖一處自為一卷便觀覽也至于其派舊譜所無而今有之者則以據諸其祖家之所報及遺文之可徵敢謂無出鄉而一切擯斥之歟又如七溪新建玉山之文定湖廣之崇陽閩之惠邑俱確有據者敢謂春坊未錄而遂棄置耶此惟吾人秉真切之仁持

西門江曰... 卷之一  
不苟之念使真出於我越國者無遺於統同之外則友悌敦睦之心流通於氣脉之固而葛藟之庇益厚無窮盤石之宗愈遠弗替斯則無異卉之不屬而可以對越我越國昭明在上之神毋忘其紀南北派之意若其有限於地遠而未之通人之湮微而不及知勢不免於遺者是在後之作者考實而兼收之則全體周流無手足痿痺之不仁何幸云

隆慶三年己巳歲孟夏月吉旦密雲駐劄管理軍餉直隸河間府通判七十九世孫湘謹撰

### 統宗譜序

夫譜何為而作也使人知所自出而不忘其本以興孝也我汪今作統譜不益興孝乎賓曰是則然矣未盡也統譜者猶所以為忠也尊 朝廷崇治本遵王化亦寓於斯矣豈凡支譜者例乎矧歷世既遠支分派衍而頽風世變相尋有不思水木本源之義者有寡弱者有遭兵火而失其文獻者有徙遠方而弗克通會者此雖支譜尚未及修矣至於修者亦不過各譜其譜各親其親而強弱衆寡貧富貴賤形焉相尚之勢起相角之氣成因而為親疎為尊卑為是非此

又愈於未修者而併孝有未盡矣欲移之忠而俾人之家國也難矣哉乃若統譜不然始之一家者雖分千百家之衆今之統者會而為一家以復其初始之一譜者雖流千百支之廣今之統者返而為一譜以溯其源同一父母也同一而生也孩提厥初坐之膝下左提右挈飲同盂食同案接袂而連衾呱也號也而匍匐趨步之同堂即今之強弱衆寡貧富貴賤之族之初也統譜豈有他哉統此初焉者也合譜家百氏之淵源聯族類群分之血脉闡藩籬各立之門戶擴以族得民之周紀俾向焉各相為譜而謂之途人者一旦而同胞為手足而若覩百世父母之真面目焉其孝悌之心油然而生於斯者此孝為純孝而已凡一支一派統而同之則無一支一派不有此心生焉此孝為大孝而已推之事君將不一一為純臣乎哉純孝之心存而不為精白一心以事其君者不已也大孝之風倡而不為同心同德以事其君者不已也且張子曰宗子之法立則朝廷尊統譜合各宗子而為一宗子分之而有屬合之而有歸固有婉然聯屬天下之大勢而仰一人矣帝王以孝治天下統譜不徒自所生之父母溯之高曾已也而孝思流通千古固有惻然感觸天下之良心而崇治本矣孟子曰人



人親其親長其長而天下平統譜不獨親也長也而行之一人一家已也而孝友貫徹九族固有翕然浹洽天下之和風而遵王化矣則亦何莫而非忠於家國耶所以然者自有生民以來靡親匪生靡君匪治我族我衆曷以流至今日則夫移其孝於親者以忠於君固良心之不容已亦必得親以孝之而有一本之歸然後人之生者始無空桑散逸之虞而其族以聚亦必得君以忠之而有一統之治然後人之生也者始無悖逆流離之患而其族以安蓋嘗稽先世之源流併叅今之各譜而除未及考外自我潁川侯迨唐越國公以迄於今闕閱簪纓勲庸顯烈文章道德節義忠貞其所以後先著功德於生民社稷而來我汪胤祚之繁衍者夫豈無所自哉要皆兢也業也小心恭慎愛於其親不敢有一毫玷於其生畏於其君不敢有一毫干於其憲而三千六百年來實此命脉以有今日者也然則今之統譜豈所謂綱宗碩族而顧為之者乎正以懼夫族之若大而宗之若繁也乃於此焉統之庶其登一名字於譜者皆知吾親之子孫也皆知吾君之黎民也在親為家之譜牒也在君為國之版圖也戚也乎無所懈於其心之良生焉凜也乎無所逃於天地之義在焉凡若各譜其譜各親

其親而強欺弱衆暴寡富吞貧貴凌賤以悖此統譜之類者幽有

顯祖之神明有邦家之典於是乎戚於心惕於慮而思此忠孝以守此百世之家範以脉絡此世族而永荷君親之甄陶化育於無疆也耶於戲此則實統譜之心也若夫世系遷徙墳墓則春坊獻之世譜載矣而協修統譜之始末則今通府湘之前序備矣各派入譜則詳於收支實錄之按而見於凡例矣有統譜原有告廟文有日錄紀則推統宗之意述時事之艱而後之賢子孫或由之而興起而激勵而自省以諒今日僅為之心而擴後日當為之責者自有在矣此其均無俟於贅言也哉

越國公三十四世孫休寧西門嘉賓百拜書

統宗西門支譜辨真記實

統宗譜者何譜汪姓而統之為一宗也汪自潁川得姓迄於越國簪纓世胄焜耀史冊可考已越國以來至於今先後千百年間其瓜瓞蕃衍分布於寓內者不知其幾處也其詩禮相承丕顯夫前烈者不知其幾族也不有以統之曷從而親之是祖宗一人之身終之於塗人之身有仁孝之心者得不恐而懼乎此

統譜之所由作也蓋尊祖敬宗意也而又曰辨真者何辨其同之異正所以成其為同也辟之水然條而為百川匯而為四瀆又合之而朝宗於海是海迺水之所統宗也祖宗者子孫之海也其源深者其派長而無本者不能以漸進也吾西門譜成化間宗先哲景清公輯其支流猶存據事直書之意嘉靖間二三宗老起而續之其中多舛繆寔為紊族濫觴乃今統譜出而益多紊矣無後而有後無遷而有遷蓋天親而人為之也有仁孝之心者其容以無辨乎以故宗之文學稽往籍詢父老相與攷實訂訛而重輯之以窮其源以清其流而油然興重本之思焉若衆水之會海而井然其不紊也是辨真之舉庸非統譜中之第一義乎曰是則然矣而止於西門者何也西門吾始遷祖接公之裔也其祠墓則歲時展拜無貳也其居則環市闔中無相遠也其人則咲語宴會無隔日也其慶喜吊戚則時相存問而不遺也故辨而止於西門者親吾親也亦以其真之易辨也若他宗則不能及矣非地之遠而未嘗親則族之踈而未嘗會也據其流遡其源其連絡於他宗之祖考者儼然若相續焉他宗不摘而指之曰非真也余何能辨哉具仁孝之心者他宗未必無其人也推此意而共辨之庶

此譜之統也可籍以傳後乎而未能必也然則余西門其悉當歟曰有遺而未及載者有隱而未及明者不無之也然此亦其大畧也若夫未及載者嗣與詳之未及明者嗣與別之主之以公行之以斷以成吾西門不朽之信譜是在仁孝之君子起而共圖焉

萬曆戊寅孟夏之吉

接公二十二世孫時躍頓首謹書

統宗西門支譜跋

按宗譜之修肇自嘉靖乙丑迄今萬曆戊寅而始克成何其歷年之久而就緒之艱耶緣吾

越國保障之功於今為烈其後裔之盛甲於新安而遷處四方者又不可以數計故萃其渙而統一之又核其實而考訂之洵非旬月之間所可必其就緒者是宗也謂其統出於一吾固不敢知也抑或有魯魚亥豕之混歟吾亦不敢知也所可知者吾

祖接公自婺迴峰遷休西市族屬雖繁而支分派別焯有可稽斯譜之出也又

藉吾族二三同志相與核實之俾偽者削訛者正遺而未入者亦從而收錄既又編成譜號鈐以印記公給我宗以防冒領庶一披閱間人知源之有自流之不淆不失為吾宗之實錄云至若各宗之考訂則各宗事也各宗責也於誥何有焉吾宗幸其鑒諸裔孫廷誥謹識

### 西門宗譜序

汪為邑望族汪之有譜其來久矣繇越國公舊譜以後所可徵者則有正心之淵源錄有蓉峰之家乘而婺源大坂譜休寧西門譜西門大坂滙修統宗譜皆據錄與乘遡始祖迄遷祖而分統之者也余於西門派分而實一頃者請假歸里西門宗諸文學謁余曰本支宗譜修凡數矣近則成化嘉靖皆一脩萬曆戊寅又一再修今距戊寅朔算復踰甲子世遠人蕃闔議有重脩之役先生職典太史匕於天下國家山川人物方俗里居皆得就簡西門幸屬在本宗敢藉先生鼎呂冠諸首以為斯譜重余惟西門自六十一世祖接公造遷四世匕惟一子無別子至漢公始生九子長處上文彬公二饒州僉判文義公五大理評事端禮公六將仕郎端智公七集賢學士端信公八端明脩撰出守瑞州端

仁公九進士承奉郎竹山縣尹體仁公三四無祿不祀得世者七大支所謂西門汪氏者也按譜七大支中子七孫七繩七繼七若網在綱條而不紊至考其世其同代而處者尊卑行列無慮十二世七次瓜綿人事都羨齒居幾剖邑之半而他支族不與焉嗚呼盛矣仰惟 國家承平日久至 神宗之代一切與天下相養於無為蓋其時無水旱之患無兵戈寇亂之憂 皇上端拱穆清而貴族名家七生聚人教訓文物典章涵濡蒸盎爛然稱大備此誠累洽重熙之候也而斯譜斯人適丁其會矧西門屬素稱巨室指繁而擁厚沐浴於數十年中耆老穉提皆得鼓吹 神化其業成而仕七而歷階升勲者幾何人鄉三老祭酒而重七而尊於鄉者幾何人高才生走文譽名公鄉間而天下競問七屨而滿者幾何人以至勵節任俠幽貞隱逸朝而獎野而誦者更幾何人事行詳畧具悉各支一覽譜而瞭然指掌也而又皆前譜之所未有嗟乎雖西門屬人物繁衍當盛抑知皆 上德休養有以致之哉譜修云急宜也今 國家重忠孝節義之事及竒敏異能之材凡家乘所存史氏亟欲備覽將異日採擇以颺言茲譜寧梓里之望尤余本宗之光也又安得以不文辭是為崇禎壬午年重

脩西門族譜序

賜進士第徵仕郎翰林院簡討越國公裔孫偉頓首拜撰

西門汪氏宗譜序

自氏族別而宗法出宗法出而崇本脩睦雍然肅然為天下先譜之關於世不  
綦重哉吾宗自潁川受姓至漢龍驤公渡江而南迨唐越國公保釐六郡源  
深澤遠其苗裔散處于南國甚蕃而詹居新安者為特盛分流盈百一支之指  
恒不啻萬億將合大宗而譜之則格于事所未能故各自為譜而各譜之中纂  
輯之功猶有難焉者如我昭祖接公於宋初由婺回嶺徙居海陽西門越四傳  
迪功郎漢公舉九子二殤而七衍瓜瓞綿七名賢輩出為吾邑氏族之望其譜  
在明已數易梨棗迨茲六紀缺而未續族之生者亡者與荒亂散而之四方者  
不可更僕數先君子每憂之恐愈久愈繁愈繁則五世親盡者將為塗人矣謀  
諸從姪文昂先自本房詳載一譜將由近及遠會土德更王南北播遷憂勞成  
疚丁亥秋不幸見背辛卯勉就泐闡願賴祖宗之靈負慙賢書上念先君子  
矢志未逮繼述不克乃惶汗浹背會諸宗彥遠搜徃牒近徵文獻昉自始遷以

迄今日其中凡例有遵古者有義起者亦既昭然明倫顧謏劣如年夫何敢越俎惟是源大流長昭穆成踈嫡庶尊卑生歿履歷既倫叙莫稽將敦睦奚從是以世系之考訂重抑名德碩儒族之雅望嘉言懿行後之楷模或名高處士發幽光於巖嵒位崇朝棟著偉績於竹帛或義重綱常舍生殉節此胥足以風勵百代亟宜闡揚是以傳誌狀銘之輯重陵谷有變遷子姓有隆替世代既邈瑩兆為墟既思牧監樵蕪尤虞豪右侵占是以陌隴之載重霜露既降用以思孝蒸嘗之舉因以合離念酌燕之有儀几筵之有數是以祀典之規畫重乃惇獨罷廢族豈無之緩急任卹族亦時有然哀矜無異視親踈有異等是以匡濟賑業之議重此固作者之意之深至懇惻如此也雖然抑亦先君子之意也昔

順治壬辰朱明之吉

接公二十二世孫逢年百拜序

西門宗譜跋

譜曷為修收族也族繁矣繁故易遺慮其遺而緜也葛藟緣本及枝又懼其或淆也故譜之修誠難然世數累積不修將并繩也秩也者而遺之而淆之躬當其際誰執其咎今者二三同志與釐譜役夙夜飲冰惟茲耿也懼苟且隕越獲戾



西門宗譜記實  
祖宗風雨雞鳴不寒而栗茲幸蔚輯成書矣展而讀之其列名於是譜者皆我祖接公屬毛離裏之所分也末俗澆漓未五世親盡而渙若塗人矣一按譜而二十餘世之叔伯昆弟其初固一人之身也如是乎親也之意鮮有不瞿然動者吾族庶永有鳩乎後之君子毋畏其難而圖之毋忽其難而慎之二三同志當藉以不朽矣汪接公二十二世孫澍百拜

西門宗譜記實

國有史家有譜以云信也史以章燬端慝奉百王之令譜以尊祖洽宗明一姓之事宋廬陵眉山東萊諸先正咸著家譜後人尊之姓藉以貴語云莫為之前雖美弗彰莫為之後雖盛弗傳蓋不敢欺祖宗以疑孫子庶家乘與國史可以並垂也吾祖接公自宋婺回峰遷休西門瓜綿椒衍繩也秩也而統譜之輯由隆萬迄茲已踰六紀昔之親盡者今皆塗人矣昔為子孫者今列高曾矣苟不稽往續來以續前緒則編殘難稽圖缺莫攷敬宗收族之義從茲廢堙又何能遍執族人而曰某世某世也哉且仁孝天授人苟鏡本彝源咸識物本乎天人本乎祖之義夫尊祖自敬宗敬宗自收族收則合也則一也者反本之道此

譜之所以起仁孝而與古姓氏之書同功也崇禎丙子講祀宗祠覩先廟頽榛  
因追我祖心渠公暨諸仁孝首倡建祠殫厥心力低徊前事不禁興感廼與宗  
彥鳩材以闢門廡伐石以平墁祀繕葺宗祏定厥本支昭穆序位以顯 先王

妥 列祖復念此繩七秩七者渙難萃也爰思一姓人文係於譜牒粵稽汪氏

世譜漢晉唐宋以來或表於朝或輯於家代有增脩名昭史冊自遷休西門支

裔纂脩宗譜者宋昂公勝遠元晉公子心館公士進與賢公仲愚洪永間洗公

彥暉武童公允恭珪公以仁芹公仲藻成化間景清公以廉嘉靖間顯應公世

權璨公輝之尚和公節夫先後相繼譜吾西門之族隆萬間時躍公起潛嘉賓

公守敬廷誥公湯言滙葵源湘公南渠聯絡宗派協脩統譜支系繁多大綱已

舉細目難詳迨今西門本支子姓益蕃盛衰遷徙不一其局 實緣所藏譜本與

當事諸君繙閱叅攷嘆諸前賢識力曠厚所值隆盛而今難矣力孱而不勝勢

格而難周昔譜而統者茲詳而按焉上遡姬胄潁川宗派特編 始遷祖接公

嫡系載諸牒簡纂其行實各為節次系以立定人以文傳行以實著而後功德

文獻昭穆大小尊卑親疎以正以明而家乘與國史斯亦相為昭焉茲譜也其

系贊墓圖碑銘編次則炤嘉靖西門本宗譜例其誥勅傳序狀誌編次則照隆慶統宗譜例 接公以前記實諸先正所頌揚者功德所存不敢意為軒輊接公以下表媿各後胤所徵求者名實所關不敢過為鋪揚鳴戲今日之事上有祖宗下有孫子凡面稽手續本諸文獻不恃臆識綜核詳畧亦唯秉真切無苟之心弗欺祖宗以疑孫子焉斯已矣

接公二十三世孫承實百拜謹記

西門宗譜後序

癸巳春新譜成禮陳于廟伐鼓考鐘以告之惟鉉得繫一言於末簡鉉按舊譜之修距今七十二載世行人繁或著或微久且湮沒此當世者之責也間縣不揣鳩率同志殫力究精凡四厯寒暑其間近者徵之遠者詳之至若滅若沒者復多方綜治之紀注之勞搜求之密縷晰焉豆分焉視前譜為更備先是叔祖宗瑞屬意修輯未就歲己丑 越國誕辰聚族殷祀兄士亮語鉉曰我祠祖越國而 宗接公得世者七支中間遷處僑居渙難粹集惟我 大公一支此而聚若輯而修之竣可旦夕鉉唯乚以語叔澍曰唯乚否乚修一支我

接公不分為七乎且各支而分為修曷各支而合為修之覈而公乎鉉深然之於是昌言於衆匕莫不皆然之時起而襄事者十許人是役也述而不作鉉何言鉉惟署譜大義炳若日星前賢詳言之繇越國而祖功宗德宗賢詳言之若接公以下顯名懿行潛德幽光先大夫建祠述中詳言之鉉何言惟是數十載未舉之業鮮克舉之而乃今舉之為紀所繇始蓋其重也若夫先大夫倡率崇祠而鉉又預譜事以為庶無負當世之責此則諸同事為之前茅鉉何敢任焉接公二十三世孫可鉉百拜

### 宗譜後序

譜之修蓋其難乎曷難乎爾曰他族子姓昆弟或數十百人吾宗自嘉隆間已逾萬指重熙累洽更將百載數且數倍矣曰盛故難也古者聚族而居鄉田同井吾郡之俗或儒或賈所至而家焉爰有百里千里而遙者矣曰遠故難也往者風塵不驚室家安阜今則烽煙屢警離邊未鳩徵核為艱焉曰亂故難也具茲三難而譜之脩為尤亟矣歲壬午創茲議者為叔祖宗瑞謀及於昂時艱未克舉也歲己丑成茲議者為叔澍兄士亮承實可鉉若而人雖黽勉舉之而勞

西門本宗譜跋  
費不易兢也。是懼也。今四閱寒暑，幸而告成，且釐然明備。若此焉，曷為脩之難而成之更易？曰：誠而公也。其間嚴出入則再誓，廟庭私盟，屋漏臨之，質之罔敢或斁也。廣搜求則遠胄寒支，遐邇一視，或徵會經年，或稽覈數四，一防其篡一懼其闕也。精義例則聿求多譜，擇善而從，文約而義該也。節糜費則夙夜飲冰，薪水自任也。詳讐校則剞劂不苟，亥豕無訛也。至於綜覈編輯之勤，則叔澍之功為最。叔澍家如懸磬，而簞瓢不厭。公爾忘私，宜其誠格神人而功垂簡冊也。先茲倡議之始，昂恐事難卒集，乃先脩支譜以示同志。於是莫不競勸而相與有成，是亦為山一篑之助也。於以上對

先王下昭來許庶幾信而有徵矣夫

癸巳孟春月 裔孫文昂稽首頓首

西門本宗譜跋

語云三世不修譜者不可謂孝子誠哉。是言也。余族故有譜，自受氏以來代踵脩葺，勿廢元明之間為尤備。迨萬曆戊寅，則大滙各支而以統宗譜著任大業。宏非避以不為功，又惟承平則然。七至今七十餘載矣。運會推移，陵谷遷變，姑

勿論即如孝廉文貴公原譜諱埴司寇名宦起英公原譜諱用訓其餘游泮雍  
登仕藉顯晦殊致名匪厥初者即又胡可勝紀而遑問其他嗟夫以七十餘年  
之間歷世三傳名稱之不符尚復若此宗譜之修所閱詎不大哉顯從宗人後  
爰是以有西門本宗族譜之役雖然顯因之有感矣盛衰攸異難易以殊當其  
盛也道里無警戶口殷集故雖合各支統為一譜事若易七時值亂離人之流  
散靡常非復昔較即欲詳厥系次事行之明備而實云孔艱則是役也將無任  
其自為遺乎固所不敢出也願必謂其一無或遺焉者亦所不敢知也要其所  
歸摠之不離緣故續新闕疑存失以俟將來者近是先是圖維有年則宗太史  
文烈公之文具在也若夫徵訪之遙廣編訂之辛勤以至綱目攸舉義例允宜  
簡端所叙次甚晰奚俟顯言然顯蓋不能無感於盛衰難易之故矣語又云譜  
以有人修以無人廢自茲以往是則所望夫後之繼起者

始遷西門二十四世孫顯勳百拜

西門宗祠祭祀規制述言

宗祠之設立團拜及壽誕清明冬至三大祭也所以敬宗而收族也 祖例

西門... 七房配分七序以八十丁為一序後因大公支人丁蕃衍分為二序凡八序輪  
值團拜祀首創垂之法由來舊矣 祖遺祀產每歲生息約八十餘金年來租  
賃虧減掛欠銀色低潮所收約四十金而歲內尚未及其半賠費不下四十餘  
金以故輪值者率多攢眉束手然以祀 祖大事成法具存不能諉也康熙乙  
酉歲輪值一序以人丁寥亾莫克任事 正以謏劣謬肩祠務不敢坐視曾創團  
拜末議刊刻佈送告諸闔族任祀一輪約費匣銀八十餘金殊覺規模畧備而  
壬午歲與八十五世兄灃酌議族紳輸貲給分皆照數舉行區畫宏遠益見盡  
善復念各序人丁多寡不一貧序弱力難勝集議均序詢謀僉同于是中序大  
公支分為二序西門承奉支分為一序益以燭舖盛門庄承奉支焉南門承奉  
支分為一序益以學士支焉原修撰支承奉支為一序僉判支承奉支為一序  
今合二序為一序而又益以承奉支焉其大公支一序將仕支二序照舊不分  
庶幾多寡適均貧富相等爰率各序於 祖龕前拈闔重定序次輪祀且以租  
賃因各序輪取人渙而力分逾年掛欠不清不如一歸于公專人取討按節付  
銀祀首以備丞嘗可以省賠墊之苦各序復樂聽從而八十二世叔祖灝赴都

過浙時與族彥晤對綢繆公貯之不給于焉八十四世伯以澄八十五世兄文楨等各慨然輸貲壹百伍拾金以廓祀費次淮寄有序文記其事俟寢室告成日授梓丙戌歲仍以一序為始其年復頒三多壽桃及冬至飲福設鼓樂換席按帳共用九呈銀壹百零玖兩而人神尚未歆悅則甚矣任事之難其人也丁亥歲輪值二序衆議三大祭行禮紳衿用麵墓祭改於清明後第三日黃河充鄭家塢定于四月初十日以後二十日以前標掛每序舉一位到山共加費銀陸兩總共祀費九呈銀壹百壹拾伍兩而本序司事八十三世叔祖觀八十四世叔端盡物盡志式禮莫愆戊子歲八十五世兄文楨等以前所輸金花餅歸入宗祠頒給將務東街舖面貳間取賃以作支費己丑年公匣辦給一輪俾知多寡重輕之則緣麵值騰貴約計用銀貳拾叁兩又公議黃河克鄭家塢標掛改行墓祭禮二項共加費貳拾伍兩總共祀費九呈銀壹百肆拾兩整著為定例是年司事八十四世叔熙珙八十五世兄郁亦復竭力抒誠而辦事之敏捷足與乙酉相頡頏于是而知任法不如任人然有輪值祀首而反退讓而不敢肩者何也其無乃畏口衆我寡而規制茫如歟抑又有耽耽朶頤而思攘臂



其間者其無乃以祀費綽有餘裕幾幸節省錙銖而肥橐歟若是者人與法將  
兩無所恃夫 祖宗既有定制公廩又付現賞七年享其逸而一年任其勞亦  
孝子慈孫之事也若乃嗜利苟簡祭品不豐負慢典之愆叢闔族之責亦非所  
以尊 祖敬 宗之意也是故人與法宜相輔而行法立而人遵人存而政舉  
竊不自揆謀諸叔端取乙酉身任之成法叅以丁亥之新規一切事宜條分縷  
晰彙成一書近而本邑遠而京省凡在支裔人人持贈俾輪值者開卷了然如  
慕點金者獲僊指入幽室者邁明燈人與報本之思家鼓有為之氣其于敬  
宗收族之道未必無小補云書成敬述其梗槩于簡首

康熙四十八年己丑歲仲冬月大公文八十五世孫立正百拜敬述

休寧西門江氏大公房揮僉公支譜卷之二

原姓

松壽 石田支

混沌既判而人文著乾坤交感而物彙生人物竝生於天地間而人獨得其中  
正靈秀之氣故能物萬物而為之長而其聖者又能參贊天地之化輔相天地  
之宜叙其彝倫而致其財用於是竝天地而三焉原其始而生也翼也熅也芒  
芒誥也總也林也而後物分其群人之群則有男女夫婦父子兄弟長幼之序  
而謂之族物無族也惟其形同者而類謂之焉類之同猶有大小脩短黑白相  
殊之目而族之衆固有東西群聚彼此相謂之稱聖人從其人之族本原事迹  
定其謂而姓分焉從其姓之人頭會而某也之又疏其謂而名繫焉此姓名之  
始也遠古之間有若五龍氏燧人氏大庭氏中央氏赫胥氏無懷氏陰康氏人  
皇世已悠邈難追降及包羲女媧指風肇代神農黃帝因水著宗黃帝以來姓  
氏方著三代而下宗派愈詳天子則因生賜姓胙土命氏諸侯命字為謚因以  
為族是故世之姓氏有因德者有因國者有因居地者有因食采者有因官者  
有因爵者有因事業者有因王父名字者有因先世謚號者姓統其祖考之所

自出雖百世而不變氏別其子孫之所自分或數世而一更合而曰族宗派有  
主分而為氏婚姻辟宗此中古聖人之定制也故族之為言簇也尚夫聚而有  
別也姓之為言生也本其所自生也氏之為言示也示其所自分也自姓統氏  
分之制變而支派日已紊大宗小宗之法廢而族屬日已疎於是一姓不變者  
累數千百年而其子孫動且萬計賜者別者更者冒者創者紛復交雜於其間  
愈益難明而後譜牒之辨殷焉自周之小史定世系辨昭穆晉魏而下至於有  
唐氏錄舉於國朝家史明於里曲然而猶或訛誤斷失情不知所由來古聖人  
之定制吁嗟乎其終不可復矣汪氏之先本於軒轅別於后稷族於姬魯而氏  
於潁川實為魯成公之次子夫人妣氏之所生居期而育長而敦敏健順五行  
之妙合固有異於餘人矣祥徵於身文著於手功庸采地有開先焉其得名之  
始又有異於餘族矣蓋以名為氏凡千九百年襲而不別支派蕃延殆非譜牒  
之所能收矣吾故推原姓氏之始合於汪氏終其說焉

樂

樂

汪氏得姓始祖魯穎川侯像

天生穎異手見王文凡厥汪氏

賴植其根

四十四世孫華百拜敬贊



原吾汪氏發跡軒轅如木之根  
如水之源文王造周姬旦興魯  
伯禽襲爵咸為肇祖傳及黑肱  
生子兆祥手持瑞合文曰汪  
食采潁地萬代鼻祖首表像罔  
輝煌牒譜  
明柱國大冢宰兼大司馬裔孫  
鉞百拜贊

遷江南始祖漢龍驤將軍文和公像

明明我祖秩領龍  
 驤徠新甫毓孕  
 最良千尋萬尺材  
 具棟梁夏瑚商璉  
 品並圭璋重器攸  
 繫清廟明堂威聞  
 海甸義著東方乘  
 風破浪渡江揚揚  
 觀其流水相其陰  
 陽托跡於越會稽  
 發祥振宗興族日  
 熾日昌篤生賢裔  
 古歛翱翔粵我友  
 祖休邑流長愈遷  
 愈茂彌大彌光枝  
 葉繁衍簪笏傳芳

嘉靖壬寅春王  
 人日  
 南昌揮使裔孫  
 新百拜謹贊



才力冠世誰與  
之京先文後武  
燁然有聲  
丞相翟方進  
拜贊



新安顯祖齊軍司馬叔舉公像



新安縣志卷之四

職官

三

天產英雄有開必先積功  
累仁肩祚斯延公之生也  
特出聰明才堪王佐勇奪  
三軍榮膺司馬公之歿也  
年幾百歲威武耀靈登源  
神壠萬古崢嶸

宋顯謨學士裔孫藻

頓首百拜贊

唐越國府君華公像

遼王贊曰

越國汪王處心忠良施偉烈而保障六州著名譽  
而感慕萬邦噫既佐唐朝之主復助我祖高皇  
宜其饗祀無窮以增先後之光

天下鼎沸六

州太平大明

既昇版圖效

靈生為忠臣

死為名神此

貞觀十八年

之畫可以見

唐衣冠之舊

王容貌之真

許月卿拜贊



巍巍汪王天縱英武憫亂崛起保茲南土奮戈一揮艸木  
皆師如雷如霆酋醜星馳肅肅汪王智勇無敵四方驛騷  
六州載輯六州旣輯從者如雲衆志丕應宜君宜王抑抑  
汪王服臣守義得國得民猶秉隋制十有餘年靖邦俟寧  
武德旣禪日月斯明明明汪王順天休命侯服於唐往征  
靡定惟帝汝嘉漫蒞綸音迺公迺侯為邦之楨赫赫汪王  
存忠歿顯歷世褒崇子孫繁衍濯濯厥靈昭於日星庇民  
祐國英爽如生橫岱之陽作廟翼翼我吏我民報祀罔極  
賜進士第黥縣添注主簿杭郡六橋江山頓首拜贊

唐 行 七 府 君 爽 公 像



唐 行 七 府 君 爽 公 像

卷 之 二

三

赫々我祖軼衆超羣才宏學博  
締武經文尊賢好士款洽慇懃  
事親盡孝佐建大勲竭忠唐室  
績著旂常宋封公爵累賁龍章  
垂裕後裔簪笏傳芳遺像長存  
奕世流光

南昌揮使裔孫新百拜謹贊

唐上柱國銀青光祿大夫瀆公像

兩間鍾清峻之氣豪傑挺生七尺具  
磊落之標乾坤壯色剛以禦寇巢賊  
畏拜下風嚴以正家過妾肅糾重法  
得年雖嗇建功已豐信忝莅守新安  
道出三浯之里入祠展拜不勝企慕  
之情文孫索題敢辭弁鄙之贊  
天啟甲子冬後學劉尚信沐手敬題



斬妾出師號令之剛黃巢斂暴  
紀律之良官居侍御肅紀振綱  
忠肝義氣越國相望鱗水肇基  
後胤益昌三渚之祠千載之光

裔孫尚和百拜恭贊



宋遷休寧西門始祖公接像



西門公接像

卷之二

繫我接公始居西門起家  
登業詒謀厥孫柵衍瓜蕃  
公德之庇天祐五傳七子  
六貴澤流慶遠代不乏賢  
桐木花樹易地皆然

裔孫顯應百拜贊

宋封廸功郎漢公像



麟跡鳳毛曷為可貴  
瑩玉兼金曷為可利  
惟守之貴而行之利  
子嗟去此而終逝  
子嗟嗟斯世而安恃兮

龍圖閣學士程大昌拜贊

輸貲餼賊鄰里生全  
有子七人冠冕蟬聯  
迪功恩典八十七年  
千人會葬繫德使然

裔孫尚和百拜贊

宋大公文祖文彬公像

有文彬公建功家嗣幹父  
之勞汲汲乎是詩禮過庭  
鯉也可企宗子禮法百世  
專美從孫尚和敬贊



靖恭者公之貌溫厚者公之心挹器宇於  
遺像如覩竹箭南金至若天性真摯行誼  
高岑誠可頡頏三古堪為末俗圭鍼孝親  
弗仕閭里共欽友弟勤訓皆列笏簪以斯  
盛德宜乎後嗣昌熾奕世森森

司經局洗馬兼翰林院修撰通家眷晚

生張應元頓首拜題

元處士慶公像



西門漢曰乃公乃相乃公乃相

先之

維水有源疇若穎川澤深流遠  
百代回漩爰我接祖西門始遷  
五傳七派奕葉象賢篤生我祖  
知居物先觀天察地履畝袞延  
郊圻同遂版冊鱗鎬貽我後裔  
繡錯永傳踐土思德萬指拳拳

裔孫士亮百拜贊



明故逸賢彥光公像



明故逸賢彥光公像

卷之三

於赫我祖際時國初日月復  
旦相協厥居纘緒垂裕詩耕  
禮畬五良克類祐篤衍餘蟬  
聯瓜瓞奕世簪裾瞻仰遺像  
肅肅與與

裔孫可鉉百拜贊

明處士興公像



繫維吾族代產偉人爰及我祖家聲  
益振才高品卓行優學醇恕以及物  
禮以律身樂善不倦見義必為建橋  
修路濟困扶危追溯令德百世是師  
肅瞻儀像何日忘之

裔孫立正百拜贊

明處士雄安公像



明處士雄安公像

卷之三

三

猗歟我祖德厚流光望隆山斗  
品重圭璋持躬肅慎秉度昂藏  
仁敷里黨誼篤宗祊推誠矢信  
行表言坊績修先業肯構宥堂  
垂裕後昆彌熾彌昌遺像長存  
瞻仰不忘

裔孫棟百拜贊

明貢元眉州別駕憲公像



西門法臣乃公房持劍公女言

卷之三

四

著姓西門發身東序觀光京國作  
天子之門生養晦林泉為鄉民之砥柱  
聖代覃恩儒紳賜秩有裳冕之榮無  
案牘之累壽考保終福履所萃噫此  
公所值者時命豐亨強者無所措其  
力智者無所施其技也

後學循琴贊



明處士榮公像



明處士榮公像

卷之三

三

蚤孤而立壯義有聞榮依  
厥父裕垂後昆世短遽折  
名長彌芬流慶未已遺像  
如存  
賜進士朝列大夫廣東布  
政右叅議大坂思拜贊

明 南 昌 揮 使 新 公 像



西門江曰方公方按劍公之言

卷之二

十六

松峰挺華咸池茂實廣道研  
心庸德為質英曜靡揚恭謹  
是勅允作儀型克勤樹植景  
行圖徽服之無斁  
明尚書郎前江西道監察御  
史通家姍弟何其賢拜贊

明南京鴻臚寺序班應元公像



明南京鴻臚寺序班應元公像

卷之三

七

維公之貌青松碧梧維公  
之神秋水冰壺日月襟抱  
廊廟規模仕剏序班處為  
碩儒式觀遺像容舒色愉

從孫德勝百拜贊

明贈北京別駕應亨公像



明贈北京別駕應亨公像

偉哉哲人鍾嶽之靈應瑞稟秀寔廼生申需氣  
吐牛鴻志摩漢飭躬惟義睦族以仁友恭伯仲  
愛敬尊親信交推腹享先克誠普函若瀆博載  
如坤禮樂是式富貴浮雲俗重黃金翁獨敦倫  
世胸寒冰翁乃溫春卒能訓所生於華國受  
聖朝之恩綸泉臺有知用慰冥冥

新安太守年盟寅姪劉尚信拜贊



明國子理學應利公像




明國子理學應利公像

卷之二

九

公之生平篤行盡倫  
研究理學名重成均  
敦詩說禮抱義戴仁  
式瞻斯像想見為人  
從孫有信百拜贊

明優行庠生應貞公像



西門外...  
公...  
言

卷之三

三

年近百歲而孺子其懷長侍慈闈而  
敬養是皆鴈行居季而友恭克諧文  
則探六藝之苑武則陟三畧之階抱  
德而處為世模楷邑侯簡之以表正  
問里邦人化之以仁讓自楷稱達尊  
於一國熾後裔於靡涯洵盛世之人  
瑞而太邱萬石之與儕

賜進士第中州兵備使者通家眷姪  
夏雨金頓首拜贊

[Faint bleed-through text from the reverse side of the page, including characters like 平, 年, 此, 百, 歲, 山, 新, 七, 與, 會, 不, 能, 忘, 矣, 限, 期, 三, 夏, 前, 外, 四]

